



## **Siaran Akhbar Diembargo Hingga**

2.30 ptg, Sabtu, 1 September 2018

### **BULAN BAHASA 2018 MELANCARKAN VIDEO MENYINGKAP PERJALANAN 30 TAHUN**

**1 September 2018** – Bulan Bahasa 2018 dilancarkan petang ini, sempena menyambut 30 tahun semenjak Bulan Bahasa pertama kali dianjurkan oleh Majlis Bahasa Melayu Singapura, pada tahun 1988.

Menteri Pendidikan, Encik Ong Ye Kung, menjadi Tetamu Terhormat bagi Majlis Pelancaran Bulan Bahasa yang diadakan di Wisma Geylang Serai (WGS). Bulan Bahasa akan berlangsung selama dua bulan, dari 18 Ogos hingga 14 Oktober 2018. Berteraskan tema Ilmu, Budaya dan Mesra, program-program dan acara-acara Bulan Bahasa anjuran rakan-rakan kerjasama masyarakat, akan terus menampilkan versatiliti bahasa Melayu.

Sebuah video khas yang menyingkap sejarah dan perjalanan Bulan Bahasa selama 30 tahun juga ditayangkan di majlis itu, termasuklah sumbangan para tokoh-tokoh dan ahli masyarakat kepada pembangunan bahasa Melayu di Singapura diketengahkan. Ia juga menampilkan kisah-kisah para pemimpin Majlis Bahasa Melayu Singapura dahulu dan sekarang.

#### **Hari Dipenuhi Sambutan**

Sebagai hab warisan, budaya dan kemasyarakatan Melayu baharu, Wisma Geylang Serai (WGS) merupakan tempat yang sesuai untuk pelancaran Bulan Bahasa tahun ini, dan ia menekankan peranan Geylang Serai sebagai sebuah pusat sosial bagi masyarakat Melayu setempat.

Para pengunjung ke WGS dapat menikmati pelbagai aktiviti dan persembahan menarik anjuran rakan-rakan kerjasama, sekolah-sekolah, Duta-duta Bahasa serta Rakan-rakan Bahasa yang telah menggalakkan pengunjung untuk menghargai dan menghayati budaya dan bahasa Melayu.

Semasa berucap dalam Majlis Pelancaran tersebut, Pengerusi Jawatankuasa Bulan Bahasa, Puan Rahayu Mahzam, telah mengungkapkan penghargaannya terhadap peluang yang diberikan kepadanya untuk meneruskan legasi yang dibina dan diusahakan oleh masyarakat dan pengerusi-pengerusi Jawatankuasa Bulan Bahasa yang terdahulu. Puan Rahayu juga menekankan usaha dan dedikasi para Duta Bahasa yang telah bertungkus lumus untuk menjayakan sambutan Bulan Bahasa yang begitu istimewa tahun ini.

“Ramai Duta Bahasa terlibat secara aktif dalam perancangan sambutan pelancaran Bulan Bahasa hari ini,” kata Puan Rahayu. “Ini mencerminkan semangat mereka dalam menghidupkan bahasa Melayu, dan kami yakin bahasa Melayu akan terus kekal relevan.”

Puan Rahayu menambah, “Saya berharap masyarakat akan terdorong dengan usaha-usaha ini, dan saya menggalakkan semua anggota masyarakat untuk terus melestarikan penggunaan bahasa



Melayu. Untuk memastikan penggunaan bahasa Melayu diteruskan merupakan usaha bersama. Saya menyeru kepada semua pihak, terutamanya para ibu bapa untuk meluangkan masa bersama anak-anak supaya dapat mengajar dan menggunakan bahasa Melayu di rumah. Kita semua harus menanamkan keyakinan dan rasa bangga dalam generasi muda supaya mereka sentiasa menggunakan bahasa Melayu.”

Daripada pihak Jawatankuasa Bulan Bahasa, Puan Rahayu Mahzam juga telah menyampaikan komitmen untuk terus menggalakkan rakan kerjasama untuk menyediakan peluang dan menganjurkan program-program penghargaan bahasa di luar tempoh Bulan Bahasa, dan juga untuk mencari peluang-peluang bersama rakan-rakan kerjasama yang baharu, agar usaha dan misi Bulan Bahasa diteruskan.

### **Sambutan Bulan Bahasa di Estet-estet Perumahan**

Bulan Bahasa 2018 akan terus disambut di estet-estet perumahan Jurong, Sembawang, Nee Soon, Chua Chu Kang, Tampines dan Marsiling (Baharu). Tarikh-tarikh sambutan Bulan Bahasa di estet-estet perumahan tertera di bawah:

<b>Sambutan</b>	<b>Tarikh</b>	<b>Tempat</b>
Bulan Bahasa @ Jurong	8 September 2018 (Pagi)	J Link
Bulan Bahasa @ Sembawang	8 September 2018 (Petang)	Perpustakaan Daerah Woodlands
Bulan Bahasa @ Nee Soon	15 September 2018	<i>Hardcourt</i> , Kelab Masyarakat Nee Soon Central
Bulan Bahasa @ Chua Chu Kang	22 September 2018	Kelab Masyarakat Keat Hong
Bulan Bahasa @ Tampines	29 September 2018	Hab Tampines Kita
Bulan Bahasa @ Marsiling & Woodgrove [Baharu]	13 Oktober 2018	Kelab Masyarakat Fuchun

Untuk senarai penuh program-program Bulan Bahasa, sila lungsur laman Majlis Bahasa Melayu Singapura di: <https://mbms.sg>. Untuk memuat turun kalendar acara Bulan Bahasa 2018, sila lungsur <https://tinyurl.com/BulanBahasa2018> atau ikuti laman media sosial MBMS di Facebook: [facebook.com/majlisbahasa](https://facebook.com/majlisbahasa) atau Instagram: [@BulanBahasa](https://www.instagram.com/BulanBahasa). Untuk menonton video-video MBMS atau Bulan Bahasa, sila lungsur <https://www.youtube.com/user/mbmssg>.

~\*~



**Untuk maklumat lanjut, sila hubungi:**

Cik Liyana Nasyita Institusi Warisan Lembaga Warisan Negara DID: 6332 5493 / 6391 0455 E-mel: <a href="mailto:Liyana_Nasyita_SHUKARMAN@nhb.gov.sg">Liyana_Nasyita_SHUKARMAN@nhb.gov.sg</a>	Cik Nurul Afiqah Institusi Warisan Lembaga Warisan Negara DID: 6332 5136 E-mel: <a href="mailto:Nurul_Afiqah_IBRAHIM@nhb.gov.sg">Nurul_Afiqah_IBRAHIM@nhb.gov.sg</a>
---	---

**Tentang Bulan Bahasa oleh Majlis Bahasa Melayu Singapura**

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan sekali setiap dua tahun. Sejak 2011, Bulan Bahasa menjadi sambutan tahunan yang terus menarik minat, penyertaan dan sokongan masyarakat.

Sebagai inisiatif unggul MBMS, Bulan Bahasa menggalakkan masyarakat menghargai dan menggunakan bahasa Melayu di dalam kehidupan mereka dalam usaha untuk melestarikan warisan masyarakat Melayu.

Untuk maklumat lanjut mengenai MBMS, dan Bulan Bahasa, sila lungsur [mbms.sg](http://mbms.sg) dan [facebook.com/majlisbahasa](https://facebook.com/majlisbahasa).



**Maklumat yang tidak diembargo**

**Program-program Hari Pelancaran *Bulan Bahasa* 2018 – Sabtu, 1 September di Event Space, Wisma Geylang Serai**

*Semua program percuma kecuali ditandakan.*

**Pementasan Bangsawan (Tajul Ariffin) oleh Sriwana**

Mari saksikan pementasan Bangsawan oleh Sriwana. Pementasan Bangsawan ini merupakan lakonan semula kisah Tajul Ariffin yang pertama kali dipentaskan pada tahun 1991. Ikuti Sriwana dalam pementasan tradisional yang berlandaskan cerita dongeng di mana putera Zamzahari, Tajul Ariffin, dikhianati adik-beradiknya, Tajul Asrul dan Tajul Asyik.

**Masa:** 2.30ptg – 3.00ptg

**Juara Si Cilik oleh Nusantara World Music**

Sertai Nusantara World Music dalam edisi kelima pertandingan nyanyian Juara Si Cilik, di mana para pelajar akan menyanyikan lagu-lagu rakyat.

**Masa:** 3.15ptg – 5.15ptg

**Reruai Aktiviti Sekolah**

Uji pengetahuan anda mengenai bahasa, budaya dan warisan Melayu dengan turut serta dalam permainan-permainan di reruai yang dikendalikan oleh para pelajar Sekolah Rendah Admiralty, Sekolah Menengah Orchid Park, Sekolah Menengah Yusof Ishak dan Sekolah Sains dan Teknologi, Singapura.

**Masa:** Program ini bermula 11.00pagi dan berlangsung sepanjang hari

**Mari Bermain Permainan Bahasa bersama Rakan Bahasa**

Sambil menikmati minuman dan aiskrim Potong tajaan F&N, sertaiah permainan bahasa yang akan dikendalikan oleh Rakan Bahasa. Permainan akan dikendalikan dalam bahasa Melayu, dan terdapat juga versi bahasa Inggeris untuk mereka yang tidak memahami bahasa Melayu.

**Masa:** Program ini bermula 11.00pagi dan berlangsung sepanjang hari



### **Maklumat yang tidak diembargo**

#### **Video-video oleh Jawatankuasa Bulan Bahasa**

#### **Menyingkap 30 Tahun Perjalanan Bulan Bahasa**

Untuk menyambut ulang tahun yang ke-30 semenjak Bulan Bahasa pertama kali dianjurkan, MBMS telah menyiapkan sebuah video khas yang memaparkan jasa dan sumbangan para tokoh dan ahli masyarakat untuk sambutan Bulan Bahasa. Untuk menonton video penuh, sila lungsur [facebook.com/majlisbahasa](https://facebook.com/majlisbahasa)

#### **Bahasa Menjunjung Budaya – Muzik Video**

Ini merupakan sebuah rakaman muzik video khas yang memaparkan ramai perintis Bulan Bahasa, ahli-ahli MBMS, ahli-ahli Jawatankuasa Bulan Bahasa dan Duta-duta Bahasa yang menyanyikan lagu tema Bulan Bahasa, Bahasa Menjunjung Budaya. Lirik lagu ini asalnya dikarang oleh mendiang Cikgu Muhammad Ariff Ahmad dan lagunya digubah oleh Cikgu Abdolah Lamat. Kini, ia telah disusun semula dan diberikan nafas baharu oleh Duta Bahasa Encik Megat Firdaus. Rakaman ini disertai oleh:

➤ Cikgu Abdolah Lamat	➤ Encik Megat Firdaus
➤ Cik Aidli Mosbit	➤ Prof Madya Dr Muhammad Faishal Ibrahim
➤ Cik Asnida Daud	➤ Cikgu Munirah Jaafar
➤ Encik Asri Sunawan	➤ Cik Nafisah Ismail
➤ Encik Bakti Khair	➤ Cik Noshin Putri Adel
➤ Encik Chairul Fahmy	➤ Cik Nur Sifa Hussin
➤ Cikgu Farizan Amin	➤ Cik Nurfarhana M Noor
➤ Prof Madya Dr Hadijah Rahmat	➤ Puan Rahayu Mahzam
➤ Encik Hairianto Diman	➤ Encik Shahrizal Salleh (Chef Bob)
➤ Encik Hanafi Idrus	➤ Encik Sidek Saniff
➤ Encik Hassan Salleh	➤ Cikgu Siti Aisyah Binte Mohamed Salim (Chempaka Aizim)
➤ Encik Hisham Hasim	➤ Encik Suhaimi Salleh
➤ Dr Jazlan Joosop	➤ Cikgu Tajudin Jaffar
➤ Cik Julina Khusaini	➤ Cik Zaza Majid
➤ Cik Marina Yusoff	

Untuk menonton muzik video penuh, sila lungsur [facebook.com/majlisbahasa](https://facebook.com/majlisbahasa)



### **Gerak Tari Bulan Bahasa**

Video ini memaparkan tutorial tarian yang mengajak penonton untuk pelajari rentak dan langkah tarian beriramakan lagu tema Bulan Bahasa, Bahasa Menjunjung Budaya. Lagu ciptaan asal mendiang Cikgu Muhammad Ariff Ahmad dan Cikgu Abdolah Lamat ini telah disusun semula dan diberikan nafas baharu oleh Duta Bahasa Encik Megat Firdaus. Rendisi lagu baharu ini merupakan gabungan melodi tradisional zapin dan tempo yang rancak, diringi rentak dan langkah tarian Melayu yang tradisional dan moden. Untuk memeriahkan lagi sambutan Bulan Bahasa, masyarakat setempat diajak untuk mengambil bahagian dalam sebuah cabaran tarian, iaitu Cabaran Gerak Tari Bulan Bahasa yang kini berlangsung, dan mereka boleh memuat naik rakaman video mereka.

Untuk menonton video-video rakaman mereka yang telah menyahut cabaran ini, sila lungsur [@BulanBahasa](#) di Instagram.